

ՆՈՒԱԳՆԵՐ

Մի զարմանար, որ գիշերով
Պատուհանիդ ես տակին

Չեմ թափառում սիրաբորբոք
Ու հեկեկում վշտալին:

Մի զարմանար, որ չեմ չոգում
Լաց ու թացով քո առաջ,
Թեթևամիտ ջահէլի պէս՝
Հանում հառաչ ու թառաչ:

Միթէ ցաւոտ սրտիս երգը
Բաւական չէ քեզ համար,
Սիթէ ալս իմ նուագները
Արցունքներ չեն անսպառ...

Թէպէտ երգըս բարձրալուր է,
Հանրահռչակ ու լալտնի.

Բալց երգիս մէջ իմ դիցունին
Սքօղուած է ու գաղտնի,

Գեղեցկունի ծանօթներըս
Լսում են իմ երգերը,

Կասկածանքով ու մտառանջ
Կարգում սիրոյս վէպերը:

Եւ ամեն մի գեղեցկունի
Անց է կացնում իր մտքով՝

Չը լինի թէ բանաստեղծը
Ինձ է երգում իր երգով:

Իսկ դժւ, անգժւթ, դժւ, քարասիրտ,
Ոչ իմ երգը հասկացար,

Ոչ մտքովդդ դու անց կացրիր,
Որ երգում եմ քեզ համար:

ՅԱՐՈՒԹԻՒՆ ԹՈՒՄԱՆԵԱՆՑ